

TABVLA RECITATIONVM

IN
ACADEMIA LVDOVICIANA
PER SEMESTRE AESTIVVM
A DIE XIX. APRIL.

CIDIOCCCLXXVIII.
IN CHOANDARVM.

RECTOR
ACADEMIAE LVDOVICIANAE
D. CHRISTIANVS HENRICVS
SCHMID
CVM SENATV.

Et si, quam Vir Clarissimus *Frid. Gottl. Barthius* anno CIDIOCCCLXXVII. Lipsiae typis mandavit, carminum *Propertii* editio virorum doctorum laudibus merito sit comprobata, eoque potissimum nomine collaudanda videatur, quod editor vestigiis *Heynii*, viri summi, insistat: at tamen in explicando poeta, qui exercitatissimum quemque interpretem fatigat, somnum ipsi interdum obrepisse, quis est, qui illi non ignoscat? Darius enim hanc veniam petimusque vicissim. Verum enim vero, quoties, praedicationibus academicis praefaturus, Vobis, *Commilitones aestimantissimi*, exponere nonnulla conor, quae prodesse simul atque delectari possunt, strictione in praclaros autorum veterum commentatores, eam praecipue ob causam mihi aridere solent, quoniam sperare possum, Vos clarissimorum interpretum erroribus admonitos in legendis poetis antiquis Vestris potius quam alienis oculis utiuros esse. --- In elegia prima libri primi v. 34. *Propertius* de doloribus, quos ipsi *Cynthiae* suae amor excitet, his verbis conquestus est:

In me nostra Venus noctes exercet amaras,
Et nullo vacuus tempore desit Amor.

Cur vacuus hic Amor dictus sit, nullam *V. C. Barthius* in editione ipsa rationem reddidit; verum in dissertationibus criticis, quibus antea iamiam poetam illustrare aggressus erat, (*Vorlesungen über einige Elegien des Propertius* Dresden 1775. p. 29) explicare epitheton illud studuit. Vacuus scilicet Amor ipsi videtur, quoniam animis tantum imperet otio fruuentibus, quoniam ipse otio delectetur, & quoniam tandem omnia alia negotia eo solum consilio reliquerit, ut torquendo poetae vacare possit. Primum, ut dicamus quod res est, suspectae nobis esse solent interpretationes omnes, quae duplicem aut triplicem eidem vocabulo significationem tribuunt, ambiguumque auctori sensum affingunt. Deinde, quod primam, quam *Barthius* suavit, explicationem attinet; etsi laboribus curisque severioribus animum ab amore paulisper averti posse non ignoremus, tantam tamen vim Amori poetae tribuere solent, ut vel librorum vallo circumseptos aggrediatur. Quaerebam, *Propertius* ipse (II. 3. v. 7.) ait:

Aut ego si posseim studiis vigilare severis;
Differtur, nunquam tollitur vllus amor.

Amorem otio sese dedere (dass er ein *Müßgaenger* sey,) atque ab omni negotio vacare, nemo unquam poetarum dixit. Quamquam enim nonnunquam dormientem poetae fingunt, plerumque tamen impigro studio eum aut volitare aut retia tendere statuunt. Quum vero omnia alia negligi ab Amore *Barthius* contendat, ut poetam eo acrius insequi possit, vix vllii haec in sola voce *vacuus* contineri in mentem venit. Aliam potius in medium proferemus. expli.

explicationem, quam versus tum antecedentes tum consequentes rueri videntur. Furorem amoris ipsi toto anno non deficere, sed aduersis ipsum diis amare, Propertius v. 7. dixerat. Se non conuertere posse dominae mentem, atque sine vlla spe amare, hoc potissimum elegiac argumentum constituit. Vacuus ergo Amor, qui cum nunquam deserit, Amor est, qui nullam puellam conciliare potest; sicuti enim vacuus equus est, qui equite caret, ita vacuum amorem, irritum, vanum, inanem fouet, quisquis duram puellam amat. Quamuis poetam Cynthia aspernaretur, quamuis amici eum ab illa reuocarent; attamen noctes amaras expertus est. Quare amicos ita alloquitur:

Hoc moneo, vitate malum, sua quemque moretur

Cura, neque assueti mutet amore locum

quibus verbis eos adhortatur, vt amicae quamuis facuae adhaereant. Licet enim animum diuellere ab ea velint, amor tamen infixus restabit, *vacuusque* eos mirum in modum exercebit; quod permultis Tibulli elegiis illustrari possit. — Caeterum talem iam Vestrum, *Commilitones aestuariissimi*, in me animum cognoui, vt industriae, ad quam Vos excitare officii ratio iubet, non salutis tantum Vestrae, sed mei etiam causa documenta praeclara edituros Vos esse, confidam. Postquam aliorum Rectorum nomine grauioribus verbis Vos saepius adhortatus sum: iam summo ardore Vos obtestor, vt me reipublicae nostrae gubernaculis admotum ingenti illo gaudio bectis, Vos omnes assiduos, diligentissimos, artiumque liberaliorum studiosissimos videndi.

LECTIONES THEOLOGICAE.

D. IO. HERM. BENNER, Acad. Senior. Hora X-XI. *historiam theologiae litterariam*, hora XI-XII. *exegefin epistolae ad Galatas*, adiuncto vsu homiletico, tradet. Hora IV-V. Compendium adliquod, suum, vel alterius, exponet, *dogmaticum*, vel *morale*. Disputationes publicas & priuatas in varias theologiae partes offert.

D. IOH. GEORG BECHTOLD Praeter consuetas lectiones dogmaticas hora VIII. habendas, hora VIII. in interpretandis N. T. tabulis perget, explicatis antea ex Hebraeo fonte Psalmis & reliquis T. V. oraculis, in epistola ad Hebraeos, superiori semestri, vna cum epistolis ad Titum & Philemonem, absoluta, a Paulo excitatis; hora denique XI. vel de iis, quae ad intelligentiam librorum ecclesiae nostrae symbollicorum scitu sunt necessaria, exponet, vel, si par labori sustinendo auditorum numerus adfuerit, historiae ecclesiasticae N. T. vniuersae capita, duce celebrat, Schroeckhio, praeleget; ad lectiones quoque *polemicas* non minus, quam ipsas *disputationes* theologicas, sive publicas sive priuatas, paratus. Singulas lectiones suas intra semestre spatium absoluet.

D. LVDOVICVS BENIAMIN OUVRIER Hora VIII-IX. docebit theologiam moralem ad D. Lessium IX-X. theolog. dogmat. praeunte D. Danouio. XI-XII. Historiam N. T. recentiore, a tempore reformationis vsque ad nostra tempora enarrabit, duce b. Moshemio. Hora Dmns auditoribus commoda praecepta tradet homiletica, e compendio suo.

LECTIONES IURIDICAE.

D. IO. CHRISTOPH. KOCH *Institutiones* ex HEINECCI elementis nou. edit. hor. VIII. *Ius criminale* ex suo compendio hor. X. *Ius canonicum* ex G. L. BOEMERO hor. II. sex per hebdomadem diebus tradet. Doctrinam *successionis ab intestato* hora commoda docebit ad filum sui libelli. Offert quoque iis, qui profectuum suorum periculum facere cupiunt, *disputatorium* aut *examinatorium*.

D. CHRISTIANVS HARTMANNVS SAMVEL GATZERT Hor. VII-VIII. *Ius feudale*; Hor. VIII-IX. *Ius publicum I. R. G.*; Hor. III-III. *Ius Germanicum priuatum* tradet. Hora XI-XII. *Theoriae Processus & Collegio Practico* destinata est, aus praelectionibus *diplomaticis*.

D. LVDOVICVS IVLIVS FRIDERICVS HOEPFNER Semestri hoc aestiuo explicabit *pandectas* ex Boehmero hora IX-X. & XI-XII. singulis diebus hebdomadis; die Mercurii & Saturni praeterea adiunget horam II-III. *Historiam iuris* enarrabit Selchovio duce hora X-XI. *historiam litterariam iuris* ex Nettelbladio hora I-II.

HELVICVS BERNHARDVS IAVP D. hora VII - VIII. *collegium practicum* denuo aperiet. Hora VIII - IX. *ius publicum S. R. I.* hora X - XI. *historiam imperii*, hora XI - XII. alternis diebus *ius priuatum principum & processum imp.* docebit; ad alia, praesertim *Encyclopaediam iuris*, quoque paratus.

LECTIONES MEDICAE.

D. IO. WILH. BAVMER, Med. Prof. primar. hor. VIII. diebus Jue, Otis Quis & Quis medicinam forensem, ad compendium suum, proponet. Eadem hora diebus Quis & Hni politiam medicam a se editam explicabit. Hora X. singulis diebus profectis in b. m. Dni 10. Zach. Platneri artem medendi, singulis morbis accommodatam, nota Dnis Philiatris dexteritate, commentabitur. Nec Dnis Med. Candidatis, sub manu-ductione sua praxin clinicam facturis, occasiones subministrare, tergiuersabitur. Hor. XI. Si auditores comparuerint; collegium pathologico-therapeuticum, clementissimo SERENISSIMI PRINCIPIS iussu publice habendum, iterum aperiet.

D. CHRISTOPHORVS LVDOVICVS NEBEL, Med. Prof. publ. ord. Artem obstetricalem in Compendium Steinianum denuo auspicabitur: hora III - IV. Chirurgiam in Platneri institutiones hora XI - XII. tradet. Materiam medicam, Spielmanno duce, hora auditoribus commoda offert. Diebus Saturni hora I - II. Historiam medicinae literariam ex propriis schedis. Alia quoque desiderantibus haud negabit.

D. IO. LVD. FRID. DIETZ, Prof. Med. Ord. Per semestre aestiuum Hor. IX - X. Physiologiam praeunte Hallero docebit, atque praeparatis anatomicis illustrabit. Die Lunae & Martis Hor. X - XI. Osteologiam & Myologiam, Plenckio praemonstratore; eadem hora die Iouis & Veneris Diabeticam Ludwigio duce explicabit. Pathologiam generalem etiam desiderantibus, haud deerit.

LECTIONES PHILOSOPHICAE.

ANDREAS BOEHM, Log. Met. & Math. P. P. Bibliothecae acad. Praefectus. Singulis diebus profectis hor. VIII. vt & diebus mercurii & saturni hor. VII. *metaphysicam*, reliquis eadem hora *logicam* ad ductum compendiorum a se editorum, *Mathesin puram*. h. II, *algebra* tempore auditoribus commoda exponet. Bibliothecae publicae fores t. c.pandet.

IOH. CHRISTOPH. FRIED. SCHVLZ, LL. Or. Gr. & Antiqu. P. P. O. Hor. X - XI. Epistolas Paulli ad Roman. Galat. & Ephes. ex recensione *Griesbachiana* interpretabitur. Hor. III - IV. Grammaticam Ebraicam ex Institutionibus Celeb. *Schroederi* LL. Or. apud Groningenses Prof. O. docebit, simulque loca nonnulla Codicis hebr. selectiora grammaticae & philologice explicabit. Hor. IV - V. Fundamenta linguae *Arabicae* ex Chrestomathia Perillustr. *Michaëlis* tradet. Linguam Anglicanam pro more docebit publice hor. I - II.

D. CHRIST. HENR. SCHMID, Poeseos & Eloqu. P. P. Publice Hor. III - IV. diebus Lunae, Martis, Iouis & Veneris *Horatii* Odas illustrabit. *Priuatum* Hor. VIII - IX. Institutiones *Stili Latini* duce *Heineccio* diebus Lunae, Martis, Mercurii, Iouis & Veneris tradet, die Saturni *elaborationes Latinas* corriget; Hora IV - V. Notitiam librorum cuius studiose vtilissimorum e *Millero* tradet; denique *Antiquitates Romanas* e *Grunero* explicandas Hor. V - VI. offert.

ERICVS CHRISTIANVS KLEVESAHL, Moral. Iur. Nat. & Gent. P. P. O. Hora X. *Ius Naturae, Sociale & Gentium* DARIESIO duce Hor. VIII. *Philosophiam practicam vniuersalem, totius Philosophiae practicae Historiam* praeunte FEDERO, eodemque Hor. XI. *Philosophiam moralem Regulasque prudentiae*; In Horis autem pomeridianis III. IV. VI. *Veritatem Religionis Christianae* cum NOESSELT V. *Theologiam Carechericam* ad manu-ductionem b. ZACHARIAE & *Pastoralem* secundum V. IACOBI *Beitrag zur Pastoral-Theologie* docebit.

HENR. MART. GODOFR. KOESTER, *Historiarum P. P. O.* Historiam Statuum *Europae* ad Compendium proprium, hora VII - VIII. Historiam *Vniuersalem* ad Comp. proprium hora VIII - IX. Historiam *Literariam* ad Comp. Baumannianum hor. IX - X. docebit, ad plures Praelectiones, historicas, statisticas, heraldicas paratus. Inprimis offert historiam Imperii R. Germ. Procerum ad Comp. proprium.

LECTIONES OECONOMICAE.

IO. AVGVSTVS SCHLETTWEIN, Semestri, quod instat, aestiuo docebit I.) hor. VII - VIII. matutina *Noriziam rerumpublicarum Europae politicam*, die Statistick, duce *Achenwallio* in libello: Staatsverfassung der heutigen vornehmsten Europaeischen Reiche und Voelker; II.) hor. VIII - IX. *Oeconomiam Forestalem* secundum *Succovii* Einleitung in die Forstwissenschaft; III.) hor. X - XI. *Technologiam* ad ductum *Beckmanni* in libello: Anweisung zur Technologie, oder zur Kaennniß der Handwerke, Fabriken, und Manufacturen &c. IV.) hor. XI - XII. *Oeconomiam politicam vniuersam*, oder die Grundsätze der Gesetzgebung, Policey, und gesammten Staatswirthschaft secundum proprium systema, quod nunc in publicum exiit sub titulo: *Grundfeste des Glückes der Staaren, oder die politische Oekonomie.*

D. IO. WILH. BAVMER, Hist. natur. & Chemiae Prof. Hor. IX. diebus *Jae, Otis, Zis & Qis* b. m. Dni Io. Frid. Cartheuseri elementa chemiae dogmatico experimentalis enucleabit. Eadem hora, diebus *Qii & Hni* hydrographiam subterraneam, ad sua praecepta nuper edita, tradet. Experimentis chemicis horae diei *Hni* pomeridianae dicatae sunt. Praeter ea, tempore subseciuo, Dnis Commilitonibus commodo, itinera, historiae naturalis, in ipsis naturae officinis, penitius cognoscendae causa, instituet.

ANDREAS BOEHM, *Mechanicam* & connexas Matheseos applicatae partes praeunte *Wolfio* ita tradet Hora I. vt eorum praecipue, qui studiis oeconomicis incumbunt, commodis inseruiat.

D. IO. LVD. FRID. DIETZ, Hor. II - III, pomeridian. Medicinam Veterinariam duce *Erxleben* exponet.

IOH. PHIL. BREIDENSTEIN, *Oeconomiae Ruralis & Rei Calculatoriae Cameralis P. P. O.* Hora VIII. matutina, aut quacunque alia, quam dilectissimis *Dominiis Commilitonibus* eligere placebit, *Oeconomiam Ruralem* duce *Succovio*, X. vero *Rem Calculatoriam Cameralem* praeunte *Wideburgio* enucleabit, *Technologiae* insuper explanationem desiderantibus opera non defuturus.

GEORG FRID. WERNER, Omnia ea docebit, quae ad praxin Geometriae pertinent. Singulis diebus Saturni cum in finem cum auditoribus suis in campos exspatiabitur, aliisque quatuor per septimanam horis suo tempore indicandis methodum tradet, ex captis in campo mensuris figuras in charta delineandi, areas computandi, easdem in partes diuidendi & aptas atque venustas icones conficiendi. Versus finem semestris artem libellandi exercebit, vt & praecipua, quae ad officium peraequatoris spectant, iis exponet, qui his rebus institui cupiunt.

LECTIONES EXTRAORDINARIAE.

IOANNES CHRISTIANVS DIETZ, SS. Theolog. Profess. publ. extraord. Lectiones analytico-fundamentales in Psalmos, nec non in Acta Apostolorum, vbi pedem iam figere debebat, continuabit, hor. II. pom. Epistolam diuini Pauli ad Timm exegerica methodo desiderantibus explicabit hora III. pomerid.

D. IOAN. WILH. CHRISTIAN. BAVMER, Medic. Prof. Extraord. Hora IX - X. Botanicam, secundum systema sexuale Linneanum, tradet, & diebus *Hni* excursions, ad plantas indigenas in locis natalibus demonstrandas, instituet. Hora II - III. Artem obstetricandi, ad ductum b. m. Dn. Roedereri in Elementis artis obstetricandi, proponet. Hora III - IV. Osteologiam, b. m. Dn. Albino duce, in ir. de ossibus corporis humani, docebit.

—————

Praeter ista Generosissimis Nobilissimisque Ciuibus de iuculenta *equitandi, pugnandi gladio* *salrandique* palaestra, *Gallicae* item & *Italicae* linguae scholis, per magistros earum peritissimos, publice constitutos, abunde prospectum est.